

Guangjisi Minzcu Bau

ganhhau: CN45-0036 B.2013 Nd.10 Ng.23 liggaueq gveiqceih nienz ndwengouj cibgouj

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3095期

Lungzcouh Yen Densidaiz Dauqfuk Bo 《Sinhvwnz Vahcuengh Lungzcouh》

龙州县电视台恢复开播《龙州壮语新闻》栏目

10 nyied 14 hauh, Lungzcouh Yen Densidaiz dauqfuk haibo 《Sinhvwnz Vahcuengh Lungzcouh》. Haibo aen lanzmuz neix, yienh'ok Lungzcouh Yen Minzyijiz youq guh dangj raeuz ginzcong luzsen gyauyuz sizcen hozdung ndawde youh byaij ok mbaek moq he.

《Sinhvwnz Vahcuengh Lungzcouh》 aen lanzmuz neix singhizit daengz singhizit banhaemh 9:20 daih'it baez book, ngoenz daihngaih banringz 11:20 caij bo, moix baez daihgaij bo 15 daengz 25 faen cung. Neiyungz dwg gij gaujgen ndaw 《Sinhvwnz Lungzcouh》, baugvat daengx yienh cwngei, ginghei,

gyauyuz, vwnzva, veiswng, sanhnungz daengj. Aen lanzmuz neix bo daengz yienhsingz nem daengx yienh 12 giz dieg yangh(cin) cwngefuj youq haenx, lij miz gij mbanj miz 50 ranz doxhwnj haenx, bo daengz ranzvunz lajmbanj fanh lai hoh, yienhsingz nem lajmbanj 16 fanh lai vunz sou ndaej.

《Sinhvwnz Vahcuengh Lungzcouh》 aen lanzmuz neix aeu Vahcuengh Lungzcouh book, neix couh hawj vunz lai doenggvaq dingq gvangjbo roxyiuj lusen, fuengcim, cwngei dangj raeuz nem mizgven faplwd fazgeih, roxyiuj gak cungj gak yiengh siusik ndawbiengz nem

gak loih cihsiz, doiq coicaenh aen yienh neix sevei ginghei vwnzva fazcanj miz cozyung gig hung. Doengzseiz, ndaejnyi gij vah baez naengz gangj haenx youq ndaw densi book, vunz lai gamjaengz simraeuj, miznaj, vuenyungz, daejniemh daengz gij gvensim dangj nem cwngefuj. Neix hix dwg Lungzcouh Yen guh gij saeh gaihcanj dangj raeuz ginzcong lusen gyauyuz sizcen hozdung haenx, doiq henhoh vwnzva Bouxcuengh, coicaenh minzcuz doxgiet nem sevei onjdingh miz yiij gig hungmbwk.

(Lungzcouh Minzyijiz)

SIUSIK DINJ

简讯

● 10 nyied 15 hauh banhaet seiz dagogenh, Cwnzhieh Si Danzyungz Cunghyoz miz diijyuz lauxsae cingq youq gwnz cauhsang sonyinx hagseng diuq fouxminzcuz—fouxfaexsax. Daj bineix haggeiz seizcou daeuj, Cwnzhieh Si Danzyungz Cunghyoz mboujduenh ca'ndei hong hagseng youq dagogenh guh hozdung, yinx hagseng youq dagogenh daengz gwnz cauhsang diuqfoux, diuqcag, diuqgyae daengj.

(Lij Swcin)

● Gaenh bi daeuj, Yungzanh Yen youq ndaw yienh doenghgi mbanj gungzhoj doigvangq youq ndaw naz ciengx byaleix, moix moux ndaej bya 40 daengz 50 goenggaen. 10 nyied 18 hauh, Yungzanh Yen Banjlanj Cin Gvanhsiz Cunh gawjhengz "bya haex doxbouj", "haex bya caemh miz" nem "naz ndaej song yungh" swnghdai mozi niemhsou, moix moux naz hawj beixnuengx Yauzcuz laisou 1000 maenz doxhwnj.

(Danz Gaijhingh)

● 10 nyied 19 hauh, daihngaih gaih Gvangsiah gunghyi meisuz cozbij sawq baijok youq Namzingz Gozci Veicanj Cungsam gawjhengz, gwnz de baijok 1.2 fanh lai gienh cozbij, miz buek doenghyienh gunghyi conzdungj minzcuz he, youz canghgunghyi ndawbiengz caux, daegsae yienhda, ndeiawj raixcaix.

(Yi Sienghceiz)

● Geij ngoenz neix, Denhdwngj Yen nungzminz cadawz seiz mbwn gvengq, leihyungh seizcou reihnaz hoengq ung dinfaex miuzva, dajndaem byaekgwn daengj, haenqrengz daezsang ranzvunz souhaeuj. Beijgangj 10 nyied 16 hauh, Denhdwngj Yen Denhdwngj Cin Yungzvaz Cunh doenghboux vunzmbanj cungj nyaengq laeb fog, yaek doek chefaex.

(Liengz Cwngefuj)

Vujsenh Yen Banh Cuengh Gun Song Vah Saw Lauxsae Beizyinbanh

武宣县举办壮汉双语教师培训班



Vih sawj Cuengh Gun song vah saw sonhag guh ndaej engq ndei, 10 nyied 15 hauh, Vujsenh Yen Gyauyuzgiz youq ndaw yienh Dungzlingj Cin hai beizyinbanh son Cuengh Gun song vah saw lauxsae. Aen beizyinbanh neix banh daengz nienzdaej, hwnjdangz seizgan gungh miz 10 ngoenz. Daengx cin gak siujyoz yaucangj, gyaudauj cujyin caeuq Cuengh Gun song vah saw lauxsae daengj daihgaij 40 vunz camgya beizyin. Baez beizyin neix cujyau son "minzcuz yijvwnz cwngei", "Sawcuengh gowngz byauhcu", "Sawcuengh gihcu cihsiz", "Sonfap Cuengh Gun song vah saw". Ndaude miz lingjauj, hix miz boux guh Sawcuengh caixhang haenx daeuj guh beizyinbanh lauxsae. Dungzlingj Cin Sawcuengh fujdaujyenz Luz Mingdziz dang beizyinbanh banhcujyin. Yienh gyauyuzgiz fuzicangj Lij Cangcin, yienh Sawcuengh yozyau yaucangj Cinz Fucan camgya haiban denlij caemhcaiq gangjvah. Ndaude dwg haiban denlij yienhcieg.

(Ganh Sozvwngz Luz Mingdziz ingi)

Yungzsuij: Hagseng Moq Aeu Hag Fouxvenz Myauzcuz

融水:苗族芦笙舞成为中小学校新生的必修课

9 nyied 27 hauh, youq gwnz cauhsang Yungzsuij Myauzcuz Swciyen Minzcuz Cunghyoz, gyoengq hagseng moq cingq diuq fouxvenz, nauhyied raixcaix, lauxsae caemsim son, hagseng roengzrengz hag, ciengzmienh sengdoengh, huzndei. Dangqnaj, ndaw yienh neix moix gaih hagseng moq cungj aeu hag fouxvenz Myauzcuz.

Gaenh bi daeuj, Yungzsuij Myauzcuz Swciyen Minzcuzgiz, Gyauyuzgiz vih hawj vwnzva hagdangz fungfouq, gya'gvangq gij roen guh suciz gyauyuz, mboujduenh supsou doenghgi vwnzva minzsuz minzcuz maenhndei, daihdamj okmoq, dawz fouxvenz Myauzcuz dangdieg yinxhaeuj ndaw hagdangz, buen haiej gwnzdangz, youq gogenh

diuq, hawj moix boux lauxsae nem hagseng baenz bouxswncienz vwnzva minzcuz nem bouxhungzyangz minzcuz cingsaenz. Dangqnaj, hagseng doengzaez diuq fouxvenz Myauzcuz cungj gogenhcauh neix gaenq baenz ndaw hagdangz aen funghgingj gyaeundeide he.

(Cinz Cunghdwz)